

大明三藏法數卷第二十六

稽八

上天竺前住持沙門一如等奉勅集註

八功德水淨土經出稱讚八功德水謂阿彌陀佛極

樂淨土池中之水有八種功德也

謂其水澄渟潔淨是爲澄淨功德

清冷

謂其水清溼涼冷是爲清冷功德

甘美

謂其水甘甜嘉美是爲甘美功德

輕軟

謂其水輕浮柔軟是爲輕軟功德

潤澤

謂其水滋潤澤物是爲潤澤功德

安和

謂其水人若飲時身心即得安隱調和是

爲安和功德

除患

謂其水人若飲時能除飢渴等患是爲除患功德

增益

謂其水人若飲時即能長養善根增益四大是爲增益功德

四大者即人身中地水火風也

八風亦名八法出佛地經論謂此八法世間所愛所憎

而能扇動人心名之爲風苟心有所主安住正法不爲愛憎之所惑亂即八風不能動也  
利利者利益謂凡有益於我者皆名爲利要覽云得可意事曰利是也  
衰衰者減也謂凡有減損於我者皆名爲衰要覽云失可意事曰衰是也  
毀毀者毀謗也謂因惡其人構合異語潛地而訕謗之要覽云陰爲毀訕曰毀是也  
譽譽即讚譽謂因喜其人雖不對面亦必潛以善言而讚譽之要覽云陰爲讚美曰譽是也  
稱稱即稱道謂因推重其人凡於衆中必稱道其善以美之要覽云陽爲讚美曰稱是也  
譏譏者誹也謂因惡其人本無其事妄爲實有對衆明說要覽云陽爲誹刺曰譏是也  
苦苦即逼迫之義謂或遇

惡緣惡境身心受其逼迫要覽云逼惱身心曰苦是也 **八樂** 樂即歡悅之意謂或遇好緣好境身心皆得歡悅要覽云適悅身心曰樂是也

大今云摩沙者乃梵音遠近不同也謂以  
此豆和於米粟煮爲粥也

八種粥

出律誦

種粥出十  
佛在迦尸國竹園中與諸比丘  
誦律持諸竹

園以施佛僧故有八種之名

古言梵語比丘華士居士

者清淨自居也

乞食自活少欲知足不許畜此等物以其能生貪戀計着之心染汚梵行故有此八不淨之名也

私置田宅以圖自足是爲不淨  
華言乞士

一種植根裁謂比丘當勤修道業於世間

資生之事不生貪著若不爲衆私自種墳

田園內妨行業是爲不淨

比丘當乞食資身清淨活命若不爲衆

自藏貯穀粟米麥是爲不溝四蓄養如

謂比丘當閑居淨處修攝其心行安樂行

若不爲衆畜養奴婢驅使作務是爲不淨

五畜養群畜謂比丘當持禁戒慈心不殺

若畜養牛馬等畜孳生之類以汚梵行是

爲不淨六藏積金銀錢寶謂比丘當以清

雅爲高安貧樂道身無長物若貪積世間

所重金銀資財等物資生求利計算出納

有乖道行是爲不淨七藏積象牙刻鏤等

物謂比丘當奉佛戒志尚儉素於諸玩好

心不貪戀布衣草座常懷知足若貪世間

稀有雕飾之物是爲不淨八藏積銅鐵金

鏤以自費饗謂比丘與衆居止當與衆同

食或乞食自活勵精梵行成就道業若藏

積金鏤以自費饗別衆而食是爲不淨

八依出瑜伽師地論一施設依施設猶建立也謂人

依五蘊中假用言說施設我及衆生各各

不同有如是生類如是種姓如是名字如

是飲食如是苦樂壽夭等是名施設依

五蘊者色應受蘊想也一攝受依攝受含攝客受

也謂人依於父母妻子奴婢僮僕等以爲

我所攝受故名攝受依二住持依謂人依

段觸思識四種之食則能攝養諸根住立

支持故名住持依

段食者段即分段謂以香味觸三塵爲體入腹

變壞資益諸根也觸食者謂眼識等所對色等諸塵柔軟細滑等觸而生喜樂資益

諸根也思食者謂第六意識思於可愛之境生希望意而潤益諸根也識食者識即第八識也謂由前三食勢分所資能今此識增勝執持諸根也

謂人依五蘊中受想行識四心起諸煩惱

業因流轉三界生死故名流轉依

五障礙依謂諸天魔外道隨有修善法處即往其前爲作障礙故名障礙依六苦惱依謂人

依於欲界領受一切憂苦不生厭離之心故名苦惱依七適悅依謂人依諸禪定靜息思慮身心湛寂得法喜樂故名適悅依八後邊依編入謂阿羅漢三界惑業已盡更不受生其最後身依有餘涅槃而住故名後

邊依梵語阿羅漢華言無生又云無學三者羅漢三界惑業已盡尚餘色身未滅故也梵語涅槃華言滅度

佛具九惱

出大智度論并與起行經

如來已離一切障礙

成就無量諸勝功德豈有如是種種業報之實蓋亦善巧方便令諸衆生知造善惡業因必有苦樂果報故說此九種惱事也

六年苦行佛言往昔波羅奈城邊有婆羅門子名火髮復有瓦師之子名護喜二

子少小心相敬念護喜謂火髮曰共見迦葉如來火髮答曰何用見此髡道人如是

至三後日護喜復曰可共暫見答曰何用見此髡頭道人何有佛道於是護喜捉火髮頭曰爲汝共見如來火髮驚怖心念此非小緣必有好事耳即曰今放我頭我共汝去既至佛所禮迦葉足護喜白佛火髮

不識三寶願佛開化火髮觀佛相好心生歡喜出家學道時火髮者即我身是護喜者我爲太子逾城出家時作瓶天子導我者是我往昔以惡言道迦葉佛故受諸苦報由此餘殃今欲臨成佛時復受六年苦

行也梵語波羅奈華言江遶城梵語婆羅門華言淨行梵語迦葉華不飲光三寶者佛寶法寶僧寶也作瓶天子即色界淨居天也

孫陀利謗佛

言往昔波羅奈城有博戲人名淨眼時有姪女名鹿相淨眼誘此女人共車出城至樹園中共相娛樂時彼園中有辟支佛修

行道法淨眼待辟支佛入城乞食遂殺鹿  
相埋辟支佛廬中後累辟支佛將至死地  
淨眼見已即起悲心我所造作自當受之  
故自說罪因國王即殺淨眼時彼淨眼者  
則我身是彼鹿相者孫陀利是以是因緣

無數千歲受無量苦今雖得佛由此餘殃

故獲孫陀利女謗也

辟支佛梵語辟支羅華言緣覺

木槍佛在羅閱祇竹園精舍入城乞食忽  
有木槍逆在佛前心自念言此是宿緣我  
當受之衆見驚愕佛復心念現償宿緣使

衆人見不敢造惡便踊身虛空去地一仞

木槍逐佛乃至七由延槍亦隨之佛於空

中化一青石厚闊十二由延佛立石上槍

即穿石出在佛前又化地水火風各厚闊

十二由延佛立其上槍亦穿過佛復上四

天王宮次第乃至梵天槍亦次第而上至  
於佛前所過諸天與說宿緣佛復從梵天  
下至羅閱祇城槍亦尋下國人隨從看此  
因緣佛恐衆人見償此緣皆悶死是故佛  
語衆人各自還歸亦勑諸比丘衆各還房

已佛便心念當償宿緣遂疊大衣敷座而  
坐即展右足木槍便從足趺徹過舍利弗  
等皆至佛所禮拜慰問爲說宿緣往昔有  
兩部主賈客入海取寶後遇水漲爭船第  
二部主始與第一部主格戰第二部主以鎌

矛鎌第一部主腳過即便命終佛告舍利

弗爾時第二部主者即我身是第一部主

者今提婆達摩是我時鎌彼腳以是因緣

受諸苦報今雖得佛由此殘緣故受木槍

刺腳也

梵語羅閱祇華言王舍城梵語由延即由旬華言限量四天王者東

方詩國天王南方增長天王西方廣目天王北方多聞天王也梵語比丘華言乞士亦云提婆達多又云調達華言天熟

比婆萊槃頭摩  
致昆蘭俱無翻

五流離王殺釋迦佛在世

佛言過去世時有比婆萊如來在槃頭摩跋城中與大比丘衆俱有槃頭王與諸臣民請佛供養及比丘僧佛默然許之

精八

七

王還具饌已畢即執香爐啓曰唯願屈尊

來受我供佛勑大衆往詣王宮食畢各還時爲病比丘取食而歸爾時城中有婆羅門教五百童子佛從婆羅門所過時婆羅門見食香美便起妬意此髡沙門正應食馬麥不應食甘饌亦教童子言此等師主皆食馬麥時婆羅門者即我身是五百童子者五百羅漢是我時言他食馬麥故受諸苦報今雖得佛由此殘緣我及衆等於昆蘭邑食馬麥九十日也

息心語沙門華言又云勤息

迦毘羅國新起一講堂欲請如來於中供養爾時流離太子往至講堂即陞師子之座時諸釋種見之罵言此婢生物敢入中坐於是出語梵志子好苦曰此諸釋種捉我毀辱乃至於此我後紹王位時汝當告我此事流離太子後紹王位好苦以前事告之流離集兵往伐釋種佛告比丘往昔之時此羅閱城有捕魚村時世饑儉彼村有池多魚時城中人向於池中捕魚食之池中有二種魚一名麁二名多舌各懷報

怨時有一小兒在岸見魚跳而喜以杖打彼魚頭爾時羅閱人者今釋種是麁魚者今流離王是多舌魚者今梵志好苦是小兒者即我身是以是因緣故流離王殺釋種也

梵語波斯匿華言勝軍

六乞食空鉢

佛嘗入婆羅門聚落中乞食不得空鉢而

**還旃荼女謗**佛言往昔有佛名盡勝如

來會中有兩種比丘一名無勝一名常歡

時波羅奈城有大愛長者婦名善幻兩種

比丘往來其家以爲檀越無勝比丘爲斷

漏故供養無乏常歡比丘結使未除供養

微薄常歡比丘興嫉妬心誹謗無勝與善

幻通不以道法供養乃恩愛耳時常歡者

則我身是善幻婦者今旃荼是

旃荼亦名旃沙我

時謗無勝故受諸苦報今雖得佛由此餘

補八

殃我爲外道比丘王臣說法之時却被多舌童女繫盂起腹來至我前謗曰沙門何以不說家事乃說他事今汝自樂不知我苦汝先共我通使我有身今當臨月事須

酥油以養小兒盡當給我爾時衆會皆低頭默然時釋提桓因化作一鼠入其衣裏

嚙孟繫斷忽然落地衆等見已皆大歡喜

旃荼梵語具云旃荼羅華言嚴城又云屠者謂惡業自嚴行時搖鈴持竹爲標識也

梵語檀華言施言檀越者華梵兼舉耳謂能行施則超越貪窮之海也斷漏者言斷生死之漏也結使者即惑業也

補八

**八調達**

佛往昔於羅閱祇城有長者名須檀家富多財子名須摩提其父須檀命終已後摩提異母弟名修耶舍摩提不欲與弟分財一日與弟執手共登耆闘山將至高嶮便推置嶮底以石墮之其弟命絕佛告

舍利弗長者須檀者我父王白淨是也須摩提者則我身是修耶舍者今提婆達多是也以是因緣我於耆闍崛山經行爲提婆達多舉峯石以擲我頭山神以手接石石邊小片迸中我脚拇指破而血出

梵語  
耆闍

崛華言鷲頭即靈鷲山  
也須檀須摩提俱無翻

元寒風索衣

佛於

阿羅婆伽林中冬至前後八夜寒風破竹

嘗索三衣禦寒

阿羅婆伽無翻

大乘九部

出大智論

謂佛所說大乘諸經無因

緣論議譬喻之三部故云九部也以大乘

直說大法不假因緣唯談圓理故絕論議

獨顯真常不待譬喻是以大乘諸經唯存

方廣等九部也別論雖爾若通而言之凡

大小乘經無不具有十二部也

修多羅

梵語修多羅華言契經契者上契諸佛之

理下契衆生之機也經法也常也乃聖教之總名今言修多羅即經中長行之文也謂直說法相隨其義理長短不以字數爲拘是爲長行



梵語祇夜華言應頌

又云重頌或云偈謂應前長行之文重宣

其義也或二句四句六句八句乃至多句

等皆名爲頌



梵語伽陀華言諷頌

謂不頌長行之文但直說偈句如金光明

經中空品等是也亦名孤起如楞嚴經中

阿難讚佛偈云妙湛總持不動尊等是也

楞嚴楚語  
具云首楞嚴華言使  
相分別梵語阿難華言慶喜

四、伊帝目

梵語伊帝目多華言本事謂如來說諸

菩薩等因地所行之事也如法華經中說

藥王菩薩曾於日月淨明德佛所得法歡

喜然身然臂以爲供養行諸苦行求菩提

道等是也

菩薩梵語具云菩提薩埵華言覺有情



梵語闍多伽華言本生謂佛說諸菩薩等本地受生之事及自說爲菩薩時修諸苦行等事如涅槃經云比丘當知我於過去作鹿作羆作麌作兔作粟散王轉輪聖王

龍金翅鳥諸如是等行菩薩道時所受身

之類是也



梵語阿浮達磨華

言未曾有亦云希有如佛生時即行七步足跡之處皆有蓮華放大光明遍照十方世界而發是言我是度一切衆生生老病死者地大震動天雨衆華樹出音聲作天

妓樂如是等無量希有之事是名未曾有

又四衆等凡有聞所未聞見所未見皆名

未曾有四衆者比丘比丘尼優婆塞優婆夷也



語優陀那華言自說謂無有人間如來以

續八

十一

他心智觀衆生機而自宣說如楞嚴會上

說五十種魔事不待阿難請問又如阿彌陀經無有緣起自告舍利弗等是也

五十五

種魔

事者謂於色受想行識五陰中各有十種魔也梵語阿彌陀華言無量壽梵語舍利弗

華言



梵語毘佛畧華言方廣正

理名方富名廣謂大乘方等經典其義廣大猶如虛空即諸經之理體也



羅梵語和伽羅華言授記謂如來爲諸菩薩緣覺聲聞授作佛記如法華經云汝阿

逸多於當來世而成佛道號曰彌勒等是

也

梵語阿逸多華言無能勝梵語彌勒華言慈氏



華嚴九會說

出華嚴經疏演義鈔

華嚴者謂如來以

萬行因華莊嚴法身果德也九會說者如

來與菩薩四衆天龍八部於菩提場等處

九番聚會而廣說此法也

菩薩梵語具云菩提薩埵華言

覺有情四衆者比丘比丘尼優婆塞優婆夷也八部者天龍夜叉乾闥婆阿修羅迦樓羅緊那羅摩睺羅伽也梵語菩提華言道樹名也如來於此樹下成道故其處名菩提場

第一會

此會菩提場普賢菩薩說如

來依報因果法門自第一卷至十一卷共  
六品經依報者即所依之國土也六品者世主妙嚴品如來現相品普賢三昧品世界成就品華藏世界品毘盧遮那品也

第二會

此會普光

明殿文殊師利菩薩等說十信等法門自第十二卷至十五卷共六品經者普光明燦寶所成光明照映又佛於中說法普放光明故也梵語文殊師利華言妙德十信者信心念心精進心慧心定心不退心護法心回向心戒心願心也六品者如來名號

六定  
品心  
者不

如來名號

品四聖諦品光明覺品菩薩問明品淨行品賢首品也  
悟利天宮法慧菩薩說十住等法門自第  
**第三金**  
此金

也菩薩

第三會

**十六卷至十八卷共六品經言** 梵語切利  
帝釋等三十三天所居之處也十住者  
心住治地住修行住生貴住方便具足住  
正心住不退住重與住法王子住灌頂住  
也六品者昇須彌山頂品須彌山頂偈謹

八品經言

九

1

品十住品梵行品初發心功德品明法品也

摩天宮功德林菩薩說十行等法門自第十九卷至二十一卷共四品經  
梵語夜摩華言善時

分以此天晚時唱快樂故也十行者歡喜行饒益行無嗔恨行無盡行離穢亂行善現行無着行尊重行善法行真實行也四品者昇夜摩天宮品夜摩宮中偈讚品十行品十無盡藏品也

**第五會**此會兜率天宮金剛幢菩薩說十迴向等法門自第二十二卷至三十三卷共三品經  
梵語兜率華言知足以此天於五欲境知止足故也十迴向者般護衆生離衆生相迴向不壞迴向等一切佛迴向至一切處迴向無盡功德藏迴向隨順平等善根迴向隨順等觀一切衆生迴向真如相迴向無縛解脫迴向法界無量迴向也三品者兜率天宮品兜率天宮偈讚品十迴向品也

**第六會**此會他化天宮金剛藏菩薩說十地法門自第三十四卷至三十九卷共一品經  
他化者謂諸欲樂境不勞自化皆由他化而自在受用即他化官在天也十地者歡喜地離垢地發光地饒慧地難勝地觀前地遠行地不動地善慧地

第四會

此會於夜

法雲地也一品  
耶十地品也

第廿八會

梵語遊多華言勝林即給孤獨園也法界  
者交徹融攝故曰法界即諸佛平等法身  
之理也一品即

殿毘盧遮那如來說阿僧祇數量法門普

賢菩薩亦說十大三昧等及等覺法門自

第四十卷至五十二卷共十一品經

梵語

遮那華言遍一切處梵語阿僧祇華言無  
數梵語三昧華言正定等覺者去後妙覺

猪八

十三

梵語

佛位猶有一等勝前諸位得稱覺也十大  
三昧者普光大三昧妙光大三昧次第遍  
往諸佛國土大三昧清淨深入行大二昧  
知遇云莊嚴藏大三昧智光明藏大三昧衆生  
了知一切世界佛莊嚴大三昧無礙輪大三昧別昧  
身也十一品者十定品十通品十忍品佛不思  
議法品如來壽量品諸菩薩住處品佛不思  
明功德品如來十身相海品如來出現品也

八會此會復於普光明殿普賢菩薩說離

世間法門自第五十三卷至五十九卷共

一品經離世間法者謂超越世間大乘  
之法也一品即離世間品也

第

九會此會逝多林文殊師利菩薩等說入  
法界法門自第六十卷至八十卷共一品

九種大禪

出地

禪梵語具云禪那華言靜慮

謂菩薩既憑弘誓利益衆生則當進修深  
廣大行然深廣之行莫若禪定言禪則一

切皆攝所謂若諸菩薩成道轉法輪入涅槃

勝妙功德思惟修法利生方便皆在其  
中是故說此九種禪定之相也

梵語涅槃  
華言滅度

一、**自性禪**謂於菩薩藏聞思從前所行世

間出世間善一心安住或止分或觀分或

俱分無不攝也

菩薩藏者菩薩所修之法  
藏也聞思從前所行世間

出世間善者聞持恩念已往所行世間出  
世間一切善法也止分者謂攝心不散即  
定也觀分者謂分別照了即慧也俱分者  
謂止觀雙修定慧平等也分者位也謂安  
於止觀相應位分也菩薩於所修法藏聞  
持恩念過去所行一切善法一心安住止  
觀平等大慧利益衆生也而言自性者謂本

有之定也

一切禪

謂修此禪定則自行化他

一切諸法無不攝也名有三種一者現法

樂住禪謂離一切妄想身心止息第一寂

滅捨離味著及一切相現得法喜之樂而

住於定也二者出生三昧功德禪謂出生

續入

十四

種種不可思議無量無數一切三昧功德

也三者利益衆生禪謂衆生所作皆與同

事復以法義開導饒益莫不令其離苦得

樂也捨離味著及一切相者謂內於禪定樂也

樂著也梵語三昧華言正定同事者謂隨諸衆生同其行事而饒益之也

二難

禪

難禪者謂此禪定不易修也名有三種

第一難禪謂久習勝妙禪定於諸三昧心

得自在哀愍衆生欲令成就捨第一禪樂

而生欲界也第二難禪謂依此定出生無

量無邊不可思議諸深三昧出過聲聞辟

續八  
謂一切善法無所不攝乃大善根衆生之所共修名有五種一者不味著謂於禪定之味不樂著也二者慈心俱謂愛念衆生之心與禪俱發也三者悲心俱謂悲愍衆生之心與禪俱發也四者喜心俱謂歡喜

支佛上也第三難禪謂依此定得無上菩提也

提也

語告提

四

一切門禪

門即出入之義謂一切禪定皆由此門而出名有四種一者有

覺有觀禪謂初心在緣名覺細心分別禪味曰觀即色界初禪定也二者喜俱禪謂得此禪定喜心共發即第二禪也三者樂俱禪謂得此禪定則發勝妙之樂即第三禪也四者捨俱禪謂入此禪則心平等而無善惡憎愛之意即第四禪也

續八十五

謂善人禪

第一禪樂者即勝妙禪定之樂也辟支梵語具云辟支迦羅華言跋摩梵言跋摩

衆生離苦得樂之心與禪俱發也五者捨心俱謂無憎無愛平等之心與禪俱發也名有十三種一者善禪謂此禪定能攝一切善法也二者無記化化禪謂不待作意

恩惟自然能於定中作種種變化而無窮也三者止分禪謂攝心不散與定相應也四者觀分禪謂分別照了與慧相應也五者自他利禪謂正定現前則能自利利他也六者正念禪謂於定中正念思惟無諸雜想也七者出生神通力功德禪謂得此大定則一切神通功德悉皆由之而出生也八者名緣禪謂於一切諸法名相因緣悉得通達無礙也九者義緣禪謂於一切諸法義理因緣悉能通達曉了也十者止

六一切行禪

謂大乘一切行法無不舍攝

相緣禪謂於寂靜因緣之相圓明洞徹永離一切散亂也十一者舉相緣禪謂能照了諸法起滅因緣悉皆清淨無礙也十二者捨相緣禪謂於一切善惡法相因緣悉皆捨離清淨而無染着也十三者現法樂

住第一義禪謂因此定現得法喜之樂而安住於第一義也

第一義者謂實相中道之理無二無別也

除惱禪

謂修此禪定能除滅衆生種種苦惱名有八種一者呪術所依禪謂因此定

能以呪術之力除諸毒害霜雹寒熱鬼病

舊八

十六

一切苦患也二者除病禪謂因此定能除地水火風四大所起衆病也三者雲雨禪謂因此定能興致甘雨消滅灾旱救諸饑饉也四者等度禪謂因此定能濟諸恐難及一切水陸人非人怖也五者饒益禪謂

因此定能以飲食饒益曠野飢渴衆生也  
六者調伏禪謂因此定能以財物調伏衆  
生也七者開覺禪謂因此定能覺悟迷惑  
衆生也八者等作禪謂因此定能令衆生  
所作悉皆成就也非人者即龍鬼之類也

八此世他

**世樂禪**謂修此禪定能令衆生悉得現在  
未來一切之樂名有九種一者神足變現  
調伏衆生禪謂因此定而能變現種種神  
足通力調伏一切衆生也二者隨說調伏  
衆生禪謂因此定而能隨順說法調伏一  
切衆生也三者教誡變現調伏衆生禪謂  
因此定能以正法教誡諭調伏一切衆  
生也四者爲惡衆生示惡趣禪謂因此定  
能爲惡業衆生示現修羅餓鬼畜生地獄  
等趣令其改惡遷善也五者失辯衆生以

辯饒益禪謂因此定而於衆生不能辯說  
正法者即以辯才而饒益之令其心識開  
悟也六者失念衆生以念饒益禪謂因此  
定而於衆生失正念者能以正念而饒益  
之令其邪見不生也七者造不顛倒論微  
妙讚頌摩得勒伽爲令正法久住世禪謂  
因此定開發妙慧心不顛倒能造微妙讚  
頌摩得勒伽之論而令正法流通久住於  
世也八者世間技術義饒益攝取衆生禪  
謂因此定能以書數算計資生方法如是  
等種種衆具攝取饒益一切衆生也九者  
暫息惡趣放光明禪謂因此定放大光明  
暫令修羅等趣息其苦惱也神足者謂神足  
語摩得勒伽亦云摩怛理伽華言本母即  
論名謂能興立教義爲本爲母故也

清淨淨禪

謂依此禪定一切煩惱惑業悉

皆斷盡即得大菩提清淨之果名爲清淨重言淨者以清淨之相亦不可得也名有十種一者世間清淨淨不味不染污禪謂依此定於一切天人所修世間禪定悉不味著亦不見有染污之相名爲清淨重言淨者以此淨相亦不可得也二者出世間清淨淨禪謂依此定於一切聲聞緣覺所修出世間禪定悉無染礙名爲清淨重言淨者以此淨相亦不可得也三者方便清淨淨禪謂依此定能善巧方便演說無量妙法化度一切衆生悉無染礙名爲清淨重言淨者以此淨相亦不可得也四者根本清淨淨禪謂依此定於色界四禪根本之定悉無染礙名爲清淨重言淨者以此淨相亦不可得也五者根本上勝進清淨

補入

十八

淨禪謂依此定於色界四禪根本雖得最上殊勝增進之定悉無染礙名爲清淨重言淨者以此淨相亦不可得也六者入起力清淨淨禪謂依此定或入或住或起力用自在無染無礙名爲清淨重言淨者以此淨相亦不可得也七者捨復入力清淨淨禪謂依此定捨而復入力用自在無染無礙名爲清淨重言淨者以此淨相亦不可得也八者神通所作力清淨淨禪謂依此定能以種種神通力用變現自在利益一切悉無染礙名爲清淨重言淨者以此淨相亦不可得也九者離一切見清淨淨禪謂依此定而於斷常有無一切諸見悉皆遠離而無染礙名爲清淨重言淨者以此淨相亦不可得也十者煩惱智障斷

清淨淨禪謂依此定於見思等諸煩惱惑

及障理之智皆已斷滅悉無染礙名爲清

淨重言淨者以此淨相亦不可得也

四禪初者

禪二禪三禪四禪也根本定者謂四禪之定爲諸禪之根本能出生一切禪定也斷常者謂外道妄計此身滅已更不再生名斷見復計此身滅已還生名常見也障理

之智者謂聲聞雖得人空之智若大乘菩薩以此智即是障理之惑故也

九次第定

次第出法界

九者自初禪至滅受想定

凡九種也次第者謂人若入禪時智慧深

利能從一禪又入一禪如是次第而入心

心相續不生異念無間無雜定者攝心不

亂也

初禪次第定

謂人修禪定離欲界惡

不善法有覺有觀離生喜樂定觀均齊其

心次第而入無有雜念間隔也

有覺有觀者初心在

緣曰覺細心分別禪味曰觀即是初禪之定相離生喜樂者慶悅之心名爲喜恬淡之心名爲樂初禪既離欲界惡不善法故生此喜樂也定觀均齊者觀即是心所謂

入二禪時一心無覺無觀定生喜樂其心次第而入無有雜念間隔也

無覺無觀者離初禪覺觀動散也定生喜樂者既無覺觀攝心在定則生喜樂此即二禪之定相也

**二禪次第定**謂人修禪定從二禪入三

禪時離喜行捨而受身樂唯聖人能說而復捨念行樂其心次第而入無有雜念間隔也

離喜行捨者謂厭離二禪大喜動散攝心不受也受身樂者既離二禪之喜而身受三禪之樂也聖人能說者此樂極勝超過一切之樂非凡夫所知也捨念行樂者謂能捨二禪之喜念而行三禪之樂也

**三禪次第定**謂人修禪定從二禪入三

修禪定從三禪入四禪時斷喜樂故不喜

不樂其心次第而入無有雜念間隔也

斷喜樂者謂斷二禪之喜及三禪之樂也不喜不樂者謂心無善惡寂然平等即是四禪之定相也

**五虛空處次第定**謂人修禪定從色界入無色界則滅一切色相不念種種異

相入無邊虛空處其心次第而入無有雜念間隔也

已猶厭色界色質爲礙不得自在於是心求出離城一切色相而修虛空處定心與虛空之法相應則不念種種異相也

禪定既得虛空處定已心緣虛空虛空無

邊緣多則散能破於定即捨虛空轉心緣

識心與識法相應則過一切無邊虛空處

入一切無邊識處其心次第而入無有雜念間隔也

過一切無邊虛空處者既入識處則超過虛空處也

七無

所有處次第定無所有處者即不緣一切

內外境界也謂人修禪定既得識處定已

三世心識無量無邊緣多則散能破於定

即捨所緣之識轉心緣無所有處其心次

第而入無有雜念間隔也

識處外即虛空處也三世者過去現在未來也

八非想非非想次第定

非

想者非識處之有想也非非想者非無所有處之無想也謂人修禪定既得無所有處定已深知無想處如癡有想處如癡如瘡即捨無所有處緣念非有想非無想之法其心次第而入無有雜念間隔也

如癡者譬如

無心想也如癡如瘡者有痛即覺譬有心想也

九滅受想次第定

滅受想者即受想心滅而不復起也謂人修禪定從非有想非無想入滅受想定時

其心明利次第而入無有雜念間隔是爲滅受想次第定若得此定不久即證阿羅漢果也

梵語門羅漢華言

主

九識出宗鏡錄識以了別爲義謂能照了分別一切諸法故也

眼識

謂眼與色爲緣而生

眼識眼識依根而生眼根因識能見是能見者名爲眼識

耳識

謂耳與聲爲緣而

生耳識耳識依根而生耳根因識能聽是能聽者名爲耳識。**三鼻識**謂鼻與香爲緣而生鼻識鼻識依根而生鼻根因識能鼻是能鼻識者名爲鼻識。**四舌識**謂舌與味爲緣而生舌識舌識依根而生舌根因識能嘗是能嘗者名爲舌識。**五身識**謂身與觸爲緣而生身識身識依根而生身根因識能覺是能覺者名爲身識。**六意識**謂意法爲緣而生意識意識依根而生意根因識即能分別以能分別前五根所緣色等五塵境界是名意識若斷此識即成聲聞緣覺。五根者即眼耳根鼻根舌根身根也

**七末那識**梵語末那華言意亦名相續識又名分別識此識本無定體即第八識之染分依第八識自證分而生緣第八識見分而執爲我爲第六識之主執轉第六識所緣善惡之境而成染淨皆由此識也前第六識名意識今此識亦名意者謂第六識依根而得名此識當體而立號第六識雖能分別五塵好惡而由此識傳送相續也若斷此識即成菩薩依根者根即意根也當證者即分別之體

**八阿賴耶識**

梵語阿賴耶華言藏識

此識染淨同源生滅和合而具有四分如摩尼珠體本清淨又如明鏡能含萬像若以染分言之無明依之而起結業由此而生具足煩惱塵勞變現根身世界即前七種識境皆是也若以淨體言之即本覺心源離念清淨等虛空界即後之菴摩羅識是也無法不含無事不攝是名藏識若轉此識即成佛果四分者一相分相即形相謂此識能變現根身世界

及諸法名義相狀皆由第八識此分而生如鏡中所現之影像也二見分見即照了諸法之義謂此識能照燭一切諸法及解了諸法義理如鏡中之明能照萬像也三自證部分自證取具之法謂此識能持見分相分親證無礙如鏡之圓體能持其明能含衆像也四證自證分證即能證之體自證即不所具之法能持前自證分見分相分皆不離此分是第八識本體如鏡之背也梵語摩尼華言離垢根身者眼等諸根色身也

**九菴摩羅識**梵語菴摩羅華言清淨識亦

云白淨無垢識此識乃一切衆生清淨本源心地諸佛如來所證法身果德在聖不增在凡不減非生死之能羈非涅槃之能寂染淨俱泯纏塵不立明同皎月湛若太虛是名清淨識

梵語涅槃華言滅度

**九緣生識**  
出成唯識論并宗鏡錄緣即助成之義九緣生識者謂明空根境等九種之緣生眼耳鼻舌等八種之識也以眼耳鼻舌身五識依第八識相分建立由第八識種子而生

精一

二十三

攬明空諸境而爲相也第六識緣第八識相分而得生取五塵境界而分別依第七識而能執取也第七識緣第八識見分而得起轉第六識染淨而爲依也第八識爲衆識之根本含諸法之種子依第七識而能轉托五根識而爲相也由是而知識藉緣生緣因識有更互爲依遞相倚托而有多少不同故言九緣生識也

齊謂世間種種色像境界凡有名相者皆是第八識之相分也五塵者色塵聲塵香觸塵也

**明緣**

明者日月之光能顯諸色

相也謂眼因明而見無明則不能發於眼識故明爲眼識之緣也

**空緣**空者蕩然無礙而能顯諸色相也謂眼以空而能見

耳以空而能聞無空則不能發眼耳之識故空爲眼識耳識之緣也

**一根緣**

根者眼

耳鼻舌身五根也謂眼識依眼根而能見耳識依耳根而能聞鼻識依鼻根而能觸舌識依舌根而能嘗身識依身根而能覺若無五根則五識無所依故五根爲五識之緣也

四境緣

境者色聲香味觸五塵之

境也謂眼等五根雖具見聞觸嘗覺等五

識若無色等五種塵境作對則五識無由能發故境爲五識之緣也

五識者眼識耳識鼻識舌識身識也

五作意緣

作意者即心所法有警察之

義謂如眼初對色時便能覺察引領趣境

使第六識即起分別善惡之念及耳鼻舌

身初對境時亦能如是覺察引領是以遍

行一切識境皆由作意故作意爲眼等六

識之緣也

心所者受想行也六識者眼識耳識鼻識舌識身識意識第七識第八識也

六根本依緣 根本即第八阿賴耶識依即

德八

三七二

倚託也謂第八識是諸識之根本眼等六識依第八識相分而得生第八識相分託眼等六識而得起故根本依爲六識及第八識之緣也

梵語阿賴耶華言藏識

七染淨依緣 染

淨依者即第七末那識也謂一切染淨諸

法皆依此識而轉也謂眼耳等六識於色

聲等六塵境上起諸煩惱惑業則轉此煩

惱染法歸於第八識而成有漏若六識修

諸道品白淨之業則轉此道品淨法歸於

第八識而成無漏故名染淨依也然此第

七識亦依第八識而能轉第八識依第七

識而隨緣更互爲依遞相倚託故染淨依

爲眼等八種識之緣也

梵語末那華言意八種識者眼識耳識鼻識舌識身識意識第七識第八識也

八分別依緣 分別者

即第六識也此識能分別善惡有漏無漏

色心諸法以眼等五根雖能取境然皆依此識而有分別也是知五根境之好惡由分別而生第七識之染淨由分別而知第八識之相分由分別而顯故分別依爲眼等八種識之緣也

九種子緣

種子即眼等

八種識之種子也謂眼識依眼根種子而能見色耳識依耳根種子而能聞聲鼻識依鼻根種子而能聞香舌識依舌根種子而能嘗味身識依身根種子而能覺觸意識依意根種子而能分別第七識依染淨種子而能相續第八識依含藏種子而能出生一切諸法以諸識各依種子而生故種子爲眼根等諸識之緣也

如來藏九喻出寶性論如來藏即是衆生本源清淨心地諸佛法身之果德也具足諸法包

舍萬像諸佛證此藏心利益羣生應用無盡衆生迷此藏心常爲無明煩惱障覆業惑之所纏縛而不能證得佛令衆生修行一切善法斷除煩惱無明顯出自已如來藏清淨法身之體故說此九種譬喻也

無所

明了故曰無明者煩惱之法極亂心神故曰煩惱

萎華佛身喻

枯穎也萎華譬無明煩惱佛身譬如來藏也謂一切衆生煩惱身中本有功德莊嚴如來藏身而爲無明貪慾所覆而不能見也論云功德莊嚴佛住在萎華中是也

巖蜂溥鑒喻

巖蜂譬煩惱蜜以譬如來藏

謂蜂爲人所觸則放毒螫人爲境所逆則生嗔害也蓋一切衆生如來藏中具有功德法味而爲無明嗔恚之所纏繞不得其用猶彼淳美之蜜而爲群蜂之所圍遠而

不能得其味也論云上妙美味蜜爲辟蜂

園逸是也

三 糜穀梗米論

糠穀皮稽糠之

麤者譬煩惱也梗米譬如來藏法身之體也蓋如來藏法身之體隱在衆生無明癡惑之中不得受用猶梗米在糜穀之內而

不可充食也論云穀實在稽中無人能受用是也

四糞穢真金喻

糞穢譬煩惱真金

譬如來藏性謂法身本淨猶如真金爲煩惱糞穢覆汚而不明潔蓋一切衆生飄流三界而迷失如來藏性於煩惱之中亦猶

人遺棄真金於糞穢之內也論云如人行

遠路遺金糞穢中是也

三界者欲界色界無色界也

五

貧家寶藏論 貧家譬衆生寶藏譬如來藏性謂一切衆生無明煩惱身中而有如來藏性猶貧人屋內而有珍寶之藏也貧人

七

三六

雖有寶藏爲地所覆而不能見衆生雖具法身爲無明煩惱所覆而不能顯也論云

譬如貧人舍地有珍寶藏是也

六 菩羅內

實喻 菩羅梵語具云菴摩羅華言奈果名也內實者即果內之種子果譬煩惱妄惑

實喻

華言

七

內實譬如來藏中菩提種子謂諸衆生煩惱妄惑之中而有如來藏菩提種子安住

不動猶菴羅果內而有種子含藏不朽也

論云如種種果樹子芽不朽壞是也

梵語

八 僧衣金像喻

九

華言

十

十一

煩惱金像即佛身之像譬如來藏謂如來藏清淨法身爲無明弊垢之所纏覆墮在生死道中猶弊垢之衣纏裹真金之像棄

於道路也論云弊垢之衣在於道路中

是也

十二

貧女貴胎喻

十三

貧女譬無明煩惱貴

胎者即貧女胎中所懷貴人譬如來藏謂

一切衆生無明煩惱之中而有如來清淨法身之體而不能見如貧女懷貴人之胎而不自知也論云譬如孤獨女身懷轉輪王是也

九焦模鑄像喻

焦模者焦土所爲

之模範譬煩惱鑄像者所鑄金像譬如來藏謂如來藏性在衆生無明暗惑之中猶鎔真金鑄像在於焦模之內而不能顯見也論云如人鎔真金鑄在泥模中是也

金剛九喻

出金剛經論釋

金剛九喻者乃是金剛般

若經中九種譬喻也此經有三譯一姚秦鳩摩羅什法師譯二魏菩提流支法師譯三陳真諦法師譯此九種譬喻乃是魏時所譯之文所謂一切有爲法如星賢燈幻露泡夢電雲應作如是觀是也

梵語般若華言智慧

梵語鳩摩羅什華言童壽  
梵語菩提流支華言覺希

星喻

謂星宿

夜則明朗日光一照衆星皆隱以譬衆生昏迷執著諸見自爲明了若以正智之心照之則衆見皆滅也論云譬如星宿爲日所映而不現故智日心法亦復如是

一晉

喻謂人目有障翳則見空華等相以譬衆生無明覆障則見一切有爲虛妄之境界

也論云如目有翳則見空華觀有爲法亦復如是

二燈喻

謂燈因膏油而焰焰無窮

以譬衆生妄識依貪愛境界而生生不絕

補入

二十六

也論云譬如燈光識亦如是依止貪愛諸

四幻喻

謂諸幻化之事無而忽有

體本不實皆因幻師呪術之力假作種種形相以譬世間山河大地皆是虛妄幻化以因衆生惑業力故而妄有種種境界也

論云譬如幻事所依住處亦復如是以器

世間無實體故

器者謂世界如山河大地等物是也

五

露喻謂露落於草木體不久停爲風所吹須臾即落以譬衆生幻身雖於世間暫爾留住爲無常風所吹倏忽變滅也論云譬

如朝露身以如是暫時住故

六 泡喻

泡水

漚也謂水泡因滯水風三者和合而成以譬衆生根境識三法和合而有苦樂受用之境也論云譬如水泡所受用事亦復如是根境識等三法合故

滯水點也根境識者根即眼根耳根鼻根舌根身根意根也境即色塵聲塵香塵味塵觸塵法塵也識即眼識耳識鼻識舌識身識意識也

七 條喻

謂晝緣諸境夜則感夢

本無實體惟因想生以譬衆生緣念過去造作諸事境雖已滅緣想即現蓋言一切有爲之法皆因妄想而成亦如夢境也論

云又如夢境過去諸法亦復如是八電喻謂雷電之光剎那不住以譬一切現在諸法猶如電光倏忽則滅也論云譬如電光剎那不住現在諸法亦復如是

梵語剎那華言一念

九雲喻

謂雲能降雨澤又能變現不常以

譬衆生阿賴耶識含藏諸法能持未來種種境界變現不定也論云譬如雲影未來諸法亦復如是阿賴耶識與一切法爲種

子根本故

梵語阿賴耶華言藏識即第八識也

小乘九部

出大智度論

部即部類謂佛所說經有

大乘小乘不同故分十二部及九部之別也小乘諸經於十二部中無方廣授記無問自說之三部故云九部法華經云我此九部法隨順衆生說是也別論雖爾若通而言之凡大小乘經無不具有十二部也

無方廣部者方廣乃大乘常住之理以小乘惟說生滅之法故無也無授記者以小乘之人未得作佛故無也無無間自說者以小乘之人說必假緣故無也假緣者假之緣也

修多羅

梵語修多羅華言契

經契者上契諸佛之理下契衆生之機也  
經法也常也乃聖教之總名今言修多羅

即經中長行之文也謂直說法相隨其義

理長短不以字數爲拘是爲長行也

法者十界

同蓮也常者三世不易也

祇夜

梵語祇夜華言應頌

又云重頌或云偈謂應前長行之文重宣

其義也或二句四句六句八句乃至多句

等皆名爲頌

三伽門

梵語伽陀華言諷頌

謂不頌長行之文直說偈句如金光明經

中空品等是也亦名孤起如楞嚴經中阿

難讚佛偈云妙湛總持不動尊等是也

楞嚴

梵語具云首楞嚴華言健相分別梵語阿難華言慶喜

四尼陀羅

梵

五伊帝自化城喻品說宿世因緣等是也

六梵語伊帝目多華言本事謂如來說諸

語尼陀羅華言因緣如諸經中有人問故

爲說是事律中有人犯是事故制是戒凡

一切佛語緣起之事皆名因緣如法華經

化城喻品說宿世因緣等是也

五伊帝自

七梵語伊帝目多華言本事謂如來說諸

菩薩等因地所行之事也如法華經中說

藥王菩薩曾於日月淨明德佛所得法歡

喜然身然臂以爲供養行諸苦行求菩提

道等是也

六闍多伽

梵語闍多伽華言本

生謂如來說諸菩薩等本地受生之事及

自說爲菩薩時修諸苦行等事如涅槃經

云比丘當知我於過去作鹿作羆作

兔作衆散王轉輪聖王龍金翅鳥諸如是

等行菩薩道時所受身等之類是也

比丘梵語

七阿浮達磨

梵語阿浮達磨華言未

曾有亦云希有如佛生時即行七步足跡

之處皆有蓮花放大光明遍照十方世界

而發是言我是度一切衆生生老病死者

地大震動天雨衆花樹出音聲作天妓樂

如是等無量希有之事是名未曾有又四

種八

三十一

衆等凡有聞所未聞見所未見皆名未曾

有四衆者比丘比丘尼優婆塞優婆夷也

梵語婆陀

華言譬喻謂如來說法爲鈍根者未能即

解故假譬喻以曉示之令其易悟是名譬

喻如法華經中火宅藥草等喻是也

梵語

婆提舍梵語優波提舍華言論議謂諸經

中問答辯論諸法之事是爲論議如法華

經提婆達多品中智積菩薩與文殊師利

相見論說妙法等是也梵語提婆達多又云調達華言天熱

利華言妙德

菩薩修行九種差別

出大乘莊嚴經論

一善行生死

菩薩成就道業爲化導有情雖出沒於生

死中不爲生死染着譬如病人服苦澁藥

但爲除病不生嫌棄也

二善行衆生

菩薩

於諸衆生起大悲心設有病苦常行救濟

不生疲怠譬如良醫親近病者心無厭捨

也

三善行自心

菩薩能調伏自心破除煩

惱增長菩提譬如智之人善能調伏奴

僕之類也

梵語菩提

四善行欲塵

菩薩雖

處欲塵而不染着精修梵行增長法財譬

如商人善於販賣獲大利益也

五善行三業

菩薩精修於身口意三者之業思惟策

勵悉令清淨譬如善浣衣人能除穢垢也

六善行不憚衆生

菩薩於諸衆生常起憐

憫之心雖有加惡於我不生瞋惱譬如慈

父愛念小兒雖有穢垢不生憎惡也

**七善**

**行修習**菩薩修習菩提之道勇猛精勤心

無間斷譬如以木鑽火未熟不息也

**八善**

**行三昧**梵語三昧華言正定菩薩修習正定不亂不昏遂使功德資長譬如出財與

人得人保息方獲利益也

**九善行般若**梵

語般若華言智慧菩薩以清淨智照了世間一切諸法心無疑惑譬如幻師知諸幻事悉由幻作求其真實皆不可得也

**九病**出長阿經云人壽增至四萬歲時其人

作是念言我等由修善故壽命延長今可

更增少善即孝養父母敬事師長延於壽

命至八萬歲當此之時人已有此九種之

病也

**一寒病**謂人必寒溫得宜則身體安

**二熱病**

謂人必溫涼得宜則身體和暢若爲熱毒

所中則成一切病也

**三餓病**

謂人必假飲

食以資其身則諸根強健若不得食則虛弱而成一切病也

**四渴病**

謂人必假漿水

以養其體若不得漿水之飲則腸胃枯焦

而成一切病也

**五大便病**

謂人必假飲食

資益諸根入腹變壞須便利以時若強忍過當即能生一切病也

**六小便病**

謂人必

得湯水資潤色身入腹之後須便利以時若強忍過當即能生一切病也

**七飲病**

謂人

人貪於姪欲則能成勞怯虛弱一切病也

**八饕餮病**

饕他刀切

饕餮即貪食也謂人

必須飲食以養其身若貪食過度即能生

一切病也

**九耄病**

謂人年老則筋力衰弱

或起居食息不能中節即成一切病也

九種橫死

出藥師經

謂人生於世間當勤修佛法

敬依國化不作諸惡奉行衆善斯能盡其

天年不然則必遭橫逆而死故有此九種

也

病無醫

謂人得病雖輕然無醫藥

及看病者或遇常醫而不投以良藥又有

不知正法惟信世間邪魔外道妖孽之師

妄說禍福便生恐動卜問吉凶殺諸衆生

求神請福欲希延年終不能得以此而喪

其生皆爲橫死

法論

謂人妄作非

爲遭罹國憲被王法之所誅是爲橫死

法論

謂人或畋獵嬉戲或耽淫嗜

酒放逸無度橫爲非人鬼怪之類奪其精

氣而死是爲橫死

奪精氣者如法華經中羅刹女等奪一切衆生

精氣者是也

四火燒

謂人或被火焚燒而喪其

命是爲橫死

法華經

謂人或因墮水沉溺

而喪其命是爲橫死

六惡獸啖

謂人或於

山林因被虎狼惡獸之所啖食是爲橫死

七墮崖

謂人或於山間墜墮巖崖顛仆而

喪其命是爲橫死

八毒藥呪咀

謂人或被

毒藥及呪詛厭魅起尸鬼等之所中害而

喪其生是爲橫死

起尸鬼者謂呪死尸起而厭人也

九餓

謂人或被饑渴之所困逼不得飲

食而喪其生是爲橫死

九住心

出大乘莊嚴經論

三十四安住心

謂修行之人於

習禪時或數息或觀心當須繫緣一境念

三十四念相續安住其心不令散亂也

一攝住心

謂修行之人於習禪時攝心寧靜則禪定

可成若覺一念稍動即便攝持令心安住

也三解住心

謂修行之人於習禪時既解

知覺觀之心攀緣外廣即當收斂安住也

初心在緣曰覺細  
心分別禪味曰觀

### 四轉住心

謂修行之人

於習禪時覺心既息不妄搖動得靜定功  
轉樂安住也五伏住心 謂修行之人於習  
禪時心住靜定久或生厭隨而折伏益加  
精進也六息住心 謂修行之人於習禪時

忽覺內心動亂而生過失於一念間即令  
止息也七滅住心 謂修行之人於習禪時  
或由外緣忽起貪愛等念即當猛省方便  
滅除無令增長也八性住心 謂修行之人

於習禪時既能息諸妄念則知心性本來  
明靜任運安住也九持住心 謂修行之人  
於習禪時功行純熟安住正定不由作意  
任運持善不失持惡不生也

## 大明三藏法數卷第二十六